

wil es jemand in augenschein nehmen / er lasse sich zu mir weisen / wo er es nicht dermassen befindet / so schelte er mich wie hoch er wil. Wil dertwegen nun zur sachen selbst schreiten / vnd erstlich menniglich lehren / auff was masse vnd weise man die Maulwürffe erstlich sterben / vnd nachmals wie man sie mit fallen künstlich fangen könne / vnd dann wil ich zeigen / wie sie gemeiner weise nach getilget werden.

Das 2. Capitel.

Auff was maß vnd weise man die Maulwürffe / item Kitt vnd anderer Mäuse / in Gärten / vnd auch in den Feldern sterben vnd tödten könne.

Als fleissiger auffmerckung hat man so viel befunden / daß die Maulwürffe des mehesten theils ihr wülen vnd reiten / bevooraus in äckern / vmb der Regenwürmer willen vollbringen / denn solche sind ihnen eine anmutige Speise / vnd gleichsam Wiltpret. Daraus man denn so viel abgenommen vnd erkandt / daß man die Maulwürffe mit Fleische förnen